

其家吳江也吳江文若獻并無有及兆人殉節者惟殉國彙編載其事於肯堂傳亦但云蘇州人而已近鄞縣全吉士祖望撰翁洲寓公詩小傳繫兆人於吳江謂本董守諭孽蘭集高宇泰雪交亭正氣錄張茂滋餘生錄且言他書稱兆人家吳江者尙多故今即用祖望撰傳序列於篇以俟再考又按殉國彙編兆人師事肯堂其官中書舍人卽肯堂題授者寅侯作賓侯乃傳寫之誤

楊菘字碩父雪湖人自幼師湖州松仙精通數學人有問輒對以隱語後必奇中或匿其事問之對亦如響明末常熟瞿式耜巡撫廣西挾菘以行定靖江王之亂菘有力焉永明正時式耜以大學士留守桂林菘亦在軍中爲主客郎桂林破式耜死難菘麻衣徒跣哭於定南王孔有德門請殯葬不許哭四日欲繼以死王義之會給事中金堡已爲僧亦上書請王遂聽棺斂瘞於北門風洞山并瘞從死總督張同做時營帥李某劫式耜家屬大索財貨菘叱釋之卒護式耜孫還鄉後瞿

# 吳江縣志

## 卷三十一

節義

二十

氏以式耜女配其子某

本錢志參殉國彙編昭文志

大清

周新字音來好義敢爲康熙甲寅乙卯間八閩叛良家子女被掠者甚衆及賊平又爲官兵所得夫覓妻子覓母者呼號接踵新時在浙撫陳某幕爲之籌畫達諸康清王又謁督師閣部紀某請許民詣營認贖并告當事捐俸以助民得骨肉重聚者千家其他事多類此

本錢志

### 卷之三十二

人物九

文學

王原傑 子思忠

鄒奕

朱應辰

凌昌 子德修

黃本

梁時

陶振

陳謨 徐彰

陳玠 從弟琮

吳驥 吳鎮

莫旦

姚明

汝泰

姚鏐

陳理

陳策

王寵

沈位 父嘉謨弟倬

俞安期 子南史

周輯符

張世偉

卜舜年 莊汝培仲紹顏 潘一桂 子陸

湯三俊

沈自徵 兄自繼

沈自然

史元 趙煥

沈自南 子永義永智孫始 計東 子準從孫朱培

顧偉 章慶易

任大任

葉燮 屈運隆燮從子舒崇 潘耒 子其燦

徐鈺 父韞奇子養浩

陳銳陳鏐 鏐子沂震

李寅

周龍藻

周振業 族兄之方

周廷鏐 兄欵

周朱耒

顧我錡

元

王原傑字子英其先四世祖扈蹕南渡墓邑之陳思村因家焉世業儒至原傑益

# 吳江縣志

## 卷三十一

文學

二十一

以學行知名於世

明一統志云原傑學遂行潔

元至正四年以春秋領鄉薦值兵亂不仕教授

於鄉著春秋讞議貞白英華文集水雲清嘯詩集各若干卷詩文雅健高古中書

夔子山稱其詩言近指遠而無風雲月露之態識者以為知言子思忠亦有文學

張士誠據吳屢召不往率義勇保障鄉閭紀律嚴明刑賞允當若素習兵事者至

正末徐達率師東下頓兵石里而車騎至城下諭降知州楊彝驚悚不知所為思

忠謂曰羣雄割據生民之禍極矣今王師弔伐禍自此弭又有山卵之勢奈何不

歸附乎乃與彝率眾降達嘉之賜思忠旗章俾鎮守焉事平歸里

明

鄒奕字弘道祖士表好義多延名師教之楊維禎贈詩有云冢孫十歲早能詩蓋

美奕也奕秀目美髯貌如玉雪善議論文詞高古元至正初舉鄉試第四刻詩義

詩疑天府賦各一道尋登進士調饒州錄事洪武初為御史出知贛州府建諸壇

及館驛等規制略備坐事謫甘肅二十餘年永樂初以憲義薦召還與同郡沈繹

丁敏輩交最善有吳樵橐參獻集府志

朱應辰字文奎綺川人少習舉子業為陳氏禮元末累試不利乃棄之從楊維

禎學古文洪武四年以薦應詔起乞近地養親授本郡儒學訓導改當之江陰

應辰為文繁而不猥詩工長短句篆籀法古嘗奉命書符印所著有漱芳集三

卷外孫都穆為之刊行參列朝詩集

凌昌字正卿同里鎮人家世業儒性聰慧強記尤邃於書微詞奧義多所發明

從元儒潘如珪游至正間舉於鄉會道阻遂不復就試以圖史自娛為文章汪

洋而明潔放言極論一歸於理洪武十二年舉明經授縣學訓導遷太平教授

卒於官同里先哲記云承部檄分教邑庠仍薦之當路未及祿位而卒蓋教職猶未授祿故云所著有儀古集子德修字

子成洪武二十一年舉明經初為嘉定訓導遷寧縣廣昌教諭吳驥稱其文章

皆本義理如布帛菽粟之有實用壽終於家見獻集

黃本字本中先世自江夏徙蘇元末張士誠據郡城網羅才士本中避地同里

# 吳江縣志

## 卷三十一

文學

二十二

授徒資養因家焉洪武中舉明經為武夷訓導歷會昌教諭於經史百家之書

研極理趣文章豐腴雅馴詩詞藻麗典則無愧作者洵遭兵燹子孫流離遺橐

僅存一二參獻集

梁時字用行同里人博學工文章以氣格為主不事纖麗亦善筆札少時遭家

籍沒聚徒講學於長洲洪武二十一年以善書薦授岷府紀善永樂初遷翰林

典籍修永樂大典充副總裁終於官有噫餘集

潘裡章曰按吳驥云時風流儒雅持身以禮雖席父兄之資不尚綺紈之好

既罹家禍安貧晏如屬文賦詩清粹有法楷書行草各臻其妙夫云席父兄

之資不尚綺紈之好則時故富家子也而劉鳳先賢贊言時之父初以博得

婦生時逾歲又博而負人攜之去時少則隨母長乃走會稽山中讀書此委

巷流傳之語不足信也又驥所云罹家禍與徐志遭家籍沒語相合昔吳中

黨禍起於梁氏莫旦記之甚詳豈時即梁氏之族而株連籍沒者耶

陶振字子昌其先華亭人贅於麗山謝氏遂爲吳江人少與謝常同學於楊維禎兼治詩書春秋三經洪武二十三年舉明經授縣學訓導嘗坐佃居官舍逮至京師撰紫金山金水河二賦以進隨奉命撰飛龍在天賦皇太孫以聞遂赦之遷安化教諭卒振天才超逸詩詞豪俊負重名於時所著有釣鰲清嘯二集參獻集下二傳同潘樾章曰振才易辭近卑俛爲時格本無足稱而爲經生者本之皆名陶氏學云其所著集中載哀吳王溥詩乃指斥靖難之詞蓋振卒於革除間故也朱鶴齡曰列朝詩集小傳云振安化教諭歸隱九峯間授徒自給一夕死於虎王達善挽詩曰昔爲海上釣鰲客今作山中飼虎人釣鰲客振自號也愚按子昌爲吾邑人未聞死於虎所云飼虎人者悲其困處深山祇堪飼虎耳非實事也不然釣鰲客亦豈真有鰲可釣乎

陳謨字昌言初爲童子師於經史正句讀通訓詁而已及沈潛歲久學進理明才思煥發凡唐宋以來大家之文皆含咀其英華規摹其步驟故詞章精敏過人而詩律

## 吳江縣志

### 卷三十二

文學

一二十三

有含蓄學者宗之同時有徐彰者字天章其學邃於史書長於詩律辭鋒敏捷四座風生每時和景明則與謨治具遊靈巖虎邱諸山窮日夜爲樂所至必聯詩寫景以歸人莫測其蘊也見獻集

陳玠字以進其先東平人元時有爲州掾史者遂家同里少從黃本學博綜羣書才識高遠論古人行事成敗必剖析其所以然聽者忘倦爲詩追本唐人不以雕琢爲工從弟琮字叔正亦能詩書法逾美永樂初嘗徵至南京書誥勅未膺一命而終

吳驥字材良同里人家貧力學博聞強記恬於勢利洪熙元年舉明經授濬縣學訓導正統元年改壽昌終清豐教諭教人嚴而有法時稱名師山西河南陝西諸省鄉試凡五聘爲考官獻集云正統十二年爲山西考官所命詩經題維周之楨所取皆犯楚昭王諱禮部請罪之上不問第罰俸一月事見實錄

名士卒年八十三著有蒙庵集歸田藁及同里先哲志驥同時有吳鎮字揚稽能詩見湖海耆英集

莫且字景周父震見名臣傳且博學工詩文成化改元領鄉薦卒業太學作一統

賢關一賦名動京師後授新昌訓導九年遷南京國子監學正乞歸年八十餘卒  
且嘗論吳澂以宋臣仕元不當列從祀趙孟頫以宗室事讐不得爲名臣皆篤論  
也平生著作甚多所存有鱸鄉集新昌嘉魚吳江三志

潘程章曰邑乘自宋以來歷朱長文竇德遠吳本前後綜述雖方策備存而義  
例疎闊且始爲諸生卽考論掌故搜承舊聞積三十年始成吳江志典雅可觀  
姚明字景昭一字視卿爲人厚重寡言胸中蘊蓄甚富工古今詩文有所作人爭  
傳以爲式生徒滿門謙冲不伐人皆重其德量家長橋之南號月橋居士成化十  
三年領鄉薦後兩試南宮皆以疾不終試弘治十二年授廣信貴溪知縣貴溪民  
稠而土瘠明治以平易百姓安焉府有所需倚辦於縣明罷之府以才譖不足爲  
請調福之南靖在任四年一如貴溪時以母喪歸會有子坐事論死走京師訟之  
以疾卒於逆旅年六十四門人王哲經紀其喪還葬哀集文章得若干首號月橋

遺彙

參獻集

# 吳江縣志

## 卷三十一

文學

一二十四

汝泰字元吉一字其通少有大志巋然老成之望未第時與同郡李應禎吳寬同  
邑姚明史鑑竝以文學著名所撰文章傳播遠近年五十始登科又八年舉進士  
拜南京考功主事時倪岳爲南吏部尚書素知泰名一見喜甚居無何岳以召  
去而泰亦遷驗封郎中三山林瀚代岳任以泰有時望奏改考功泰甄別人物  
辭情竝至久之擢永州知府卒於官所著有來齋集

姚鏐字汝鳴父澄武義教諭鏐治易旁通羣經游庠校試輒居上等又工詩古  
文於是才名特起然終不售場屋晚歲應貢適病目御史尙嚴刻竟以老損廢  
之卒年七十七

陳理字君明同里人少爲諸生器岸軒特文筆雄健博通子史古今雜志及氏  
族字學正德中提學御史張璿行部再試皆第一因問諸生能爲古文者衆以  
理對命擬作請立先賢子游後奏記理援筆立就璿稱善久之名振一時吳中  
士大夫家記傳序銘多出其手五舉鄉試不第而卒嘗修縣志未就有同川集

宋元遺事陳氏族譜四禮規諸書藏於家

參文徵

陳策字獻可博極羣書詩文冲暢典核嘉靖元年舉人授曹縣教諭卒於官繼室丁氏哀慟嘔血數升而殞曹人義之策所著有說鈴九華集東行集曹縣志

王寵字履仁更字履吉別號雅宜兄守見名臣傳寵資性明敏少與其兄同學於蔡羽居洞庭三年既而居石湖之上又二十年非歲時省待不至家遂於書無所

不窺文藝無所不能為人蘊藉自將溫淳恬曠與物無競所最相善者文徵明唐寅而知府胡纘宗亦深器重之嘗有人持千金欲得其一言於纘宗寵不顧塵之

其父尤焉寵謝曰人所為重寵者能潔脩耳使自污將見輕而又因為利耶其有守如此寵才名過其兄兄早貴致身華要而寵八試棘闈不利僅以年資貢太

學竟齋志以卒年才四十有文集二十卷二獻集詩刻尙風骨擺脫輕靡書體迥秀妙得晉法與祝允明齊名參列朝詩集。按明史寵傳但云行楷得晉法書無所不觀而不詳其詩

沈位字道立祖漢見名臣傳父嘉漢字惟承國子監生性仁孝好讀宋儒書能詩

# 吳江縣志

## 卷三十一

文學

一一一五

嘗識杜氏兒於暨中偉其器遂名之曰偉而子之後果為廉吏成大儒人服其

整參茅坤撰墓誌位少稚魯而克自奮博學強識嘉靖四十三年舉鄉試第一隆慶二

年成進士改庶吉士尋授檢討與修世宗實錄五年冊封肅王克副使還為漕卒所傷卒於道年四十四始位治舉子業即攻古文與唐順之茅坤遊得其指

授及讀書中秘肆放厥詞兼廬陵眉山體法論者推為吾邑古文家之首著有柔生齋彙沈氏族譜等書參文徵弟倬字道章讀書過目成誦詩文立就爽健而

中紀律為諸生連試第一督學耿定向尤盛稱之文譽與管志道焦竑埒而終不得舉年三十一卒著有紀志彙參馮時可撰墓誌位與倬皆善事親雖異母而極相友愛居鄉亦並多厚德懿行云

俞安期字羨長少厭薄舉子業嗜古學寓目輒上口遂專攻詞賦徙居宜興又徙金陵以布衣遊歷海內公卿間巨目高鼻魁顏長身抵掌議論豪氣勃發見者以

為非常人也又嘗周覽五嶽所至觴酌流行絲肉並奏酒酣坐歡俯仰長嘯聽者

嘆有鸞龍之音與龍宗武丁應泰爲意氣交宗武遣戍永安不遠千里送之應泰沒厚遇其子有古烈士風詩名與王叔承相埒叔承歌行豪宕安期律切精深所撰明朝鏡歌以今題代古曲爲文士所稱時京山李維楨侯官曹學佺爲文壇雄伯皆折節下之安期博學宏覽撰述甚富所著有寥寥集數十卷所輯有唐類函詩啓雋類函數百卷盛行於代其釋藏道藏二函未成子二長棄家爲高僧次南史字無殊亦工詩和雅冲澹類其爲人

參獻集  
文徵

周輯符字泰六博古好學詩宗宋元其五七言近體溫麗典雅直可比肩唐人晚年以子宗建知仁和就養官舍觀書多慨類纂成編名曰虎林八訂頗有裨於世文震孟爲之序

參家譜

張世偉字異度曾祖銓見名臣傳祖基見儒林傳父尙友文行見推於時以諸生終世偉有才思兼工古今文詞少從父遊婁江王世貞及王錫爵許爲國器受知督學使者陳子貞厚賻其父之喪聲名籍甚一時海內才士皆與締交頗恃才

## 吳江縣志

### 卷三十一

文學

二十六

簡傲萬曆四十年年幾五十始舉順天鄉試而忌者構飛語劾以關節至對臺獄罰三科天啓元年覆試乃得白屢會試不第遂築室名泌園讀書其中崇禎七年巡撫張國維巡按神彪佳薦舉賢良方正力辭不就年七十四卒貧無以歛理刑倪長珩往賻乃得發喪學者私謚之曰孝節先生福王時禮部題贈翰林院待詔著有泌園集若干卷行世

參文徵  
府志

葉燮曰張氏自銓以來世有清望世偉負才名矯激自喜郡中賢縉紳皆左右之而世偉復高自標置客過概不報謁一時遂稱爲真孝廉云

卜舜年字孟碩盛澤人少孤喜爲詞賦政書書年十八受知於秀水知縣顏欲章遂補諸生讀書廢寺小樓四顧皆墟墓又無窓樵風雨寒暑吟誦不輟旁及河洛讖緯支干營陣之學屢試不利家益貧乃爲奇服驚衆聞吳門張懷仙善音能感愴人遂從學吳歛盡得其妙有時或自登場按節一轉四座掩泣頗以此自快已更學仙講飛舉之術恣情自放竟以瘵死年僅三十四舜年志氣雋爽爲詩文天

趣甚高而不循矩度故名不出州里有遺集四卷所善潘一桂爲之刊行時有莊汝培字端甫與舜年唱和最富舜年詩思敏捷而汝培以沈著勝然兩人更相推重也參虞集有與舜年同里居者仲紹顏字爾膺亦有俊才好讀書能詩年二十二中萬曆丙午副榜不二年病卒有遺集四卷舜年欲序而傳之會舜年卒遂散佚

潘一桂字無隱一字木公黃溪人父以買僑居京口一桂少機警過目成誦頗自負不肯專心吟諷父怒命之揚州買一桂乃更讀書爲歌詩自謂無意學古而神與之似詩成輒書屋壁間湖州沈聖岐以宦游道揚州見壁間詩大驚勸歸就學年十六補邑諸生又念賦學衰廢忠一振起之乃杜門研思作東征昌言諸賦閱博奇詭爲時所稱傲居京口覽江山之勝以詩文自高年二十餘歸故里諷習楚辭嘗懸肘後其結撰益工崇禎五年唐世孫好詞賦延四方賓客起高明樓擬於雁池兔園以書幣招之再三辭家人怪之一桂嘆曰極知世孫嚮我厚然國法不

# 吳江縣志

## 卷三十一

文學

二十七

得與藩邸交我何敢爲亂首耶後遊襄陽世孫已立爲王遣使迎候不絕於道一桂不得已命駕往王數從授簡賦詩雍容應教居一月稱疾辭歸期年王廢同時在國中者皆株連坐法一桂獨以見幾得免卒年四十五有中清堂集六卷行於世古韻通考二十卷未刻子陸字江如有志節於詩律尤精本舊志參獻集

錢謙益曰無隱詩多宏麗今集爲史蔚翁所定多取其膚立者賦則爲西極文太青所推太青以揚馬自負目無一世見無隱諸賦曰我心折氣溢矣無隱之可傳者其在斯乎見列朝詩集

湯三俊字俊民盛澤人邑諸生少有才氣通世務知武略崇禎七年總督三邊侍郎陳奇瑜以討流寇請參軍謀書徵奏記援筆立成未幾卒於三原道中有貯真

齋遺集四卷

參屈志

沈自徵字君庸國子監生父琬見名臣傳自徵幼自負喜識兵爲大言父授以田五十畝乃笑曰吾家祖業恒豐自父以清苦結百姓歡載家祖往餉官署而先業



墮焉有世上男子而五十畝者耶一朝盡棄之得二百金賜周親饗賓客立盡天啓末入京師遂遊歷西北邊塞窺其形勝還而置臺談不置於山川陸原要害如視諸掌居京師十年爲諸大臣籌畫兵事皆中機宜名聲大振而橐中亦累數千金乃歸山裝置房舍於府城之閭門甚宏麗置良田千畝給昆弟宗族及故人數百金已念母早喪未嘗一日養盡取所置房舍田畝歸釋氏宮資母冥福仍作窶人隱於邑之西鄉茆屋躬耕豁如也崇禎七年葉紹顯巡按廣東海寇劉香作亂遣使問策自徵密函授計紹顯遂與平兩廣受勅獎十三年國子監祭酒某薦諸朝以賢良方正辟自徵曰吾肆志已久豈能帶腰冠首受墨吏束縛耶辭不就明年卒於家年五十一自徵穎悟絕人爲詩文立就不一體亦不錄藁故無集惟倣元人爲鞭歌伎霸王秋簪花髻三曲以自寓友人刊之行世論者咸目爲明以來北曲第一云

參啓禎野乘

兄自繼字君善國子監生工詩文尤善集唐性耿介有時佚

誕似晉人明亡隱居平坵年六十七卒著有平坵集四種

## 吳江縣志

### 卷三十一

文學

二十八

按葉志自徵傳載其應大司馬之募說袁崇煥入朝因以崇煥之得正法爲自徵一說之力今考之明史崇煥之赴援有功無罪特爲本朝所問故莊烈帝召而誅之則自徵之用說誤也又崇煥始至帝立召見深加慰勞初未有擁兵不朝之疑旣都人以驟遭兵怨崇煥而謗其縱敵擁兵帝聞乃不能無惑故本朝之聞得行是自徵用說當在此時然當時廷議恐其拒命而崇煥本無他意則其請入朝亦豈盡由自徵陳說大義之力乎故今削而不錄沈自然字君服自徵弟邑諸生沈氏世有文采而自然獨工歌詩爲人孤峭絕俗少許可常終日瞪目兀坐家貧蔬食時絕然閉門諷詠不輟終未嘗干人所爲詩與潘一桂史元徐白俞南史齊名號松陵五才子自然於世所稱賢豪長者一語不合輒嫚罵去以故名不出吳中而山陰祁彪佳官於吳深知自然才每造請讌飲虛已商榷自然亦爲之盡自然以苦吟早衰後居母喪神傷骨立數月而卒族人私謚爲孝介先生妻嚴氏素賢以痛自然故數月亦卒鄉國聞者無不

傷之本獻集  
參屈志

葉燮曰君服工於詩其詩摹李義山入堂與年未四十死貧不能殮世無退之其窮更甚於東野矣

史元字弼翁父遺直見震澤志元自幼居柳胥村天才雋拔學有根柢與吳易趙煥以詩古文相切劘有東湖倡和集三人者才氣相埒也易成進士而元與煥俱不偶元留心經濟嘗從水道至京師作河行注一卷鹽筴河漕之要略具焉數以策干公卿終無所遇而歸既易死國難元亦貧悴以死詩宗少陵老健無敵古體尤工煥字少文學行醇謹詩工五言先易卒本獻集

大清

沈自南字留侯自然弟少孤刻苦力學崇禎九年舉於鄉讀書養母不聞外事知縣葉翼雲以真孝廉目之甲申乙酉間隱居同里湖濱絕跡城市爲律陶詩四十首以見志順治中禮部督會試急奉母命入都九年中進士又三年殿試

# 吳江縣志

## 卷三十二

文學

二十九

復告歸閉戶著述十餘年始謁選授山東蓬萊知縣清介自矢以恩撫民而不能事上官上官方求瑕索垢適至邑諭民許知縣罪竟日無一人應者益怒遂劾免之自南處之怡然但書於坐隅曰問今之事天與其人與以吾所行貧也非病也無何卒於宦邸年五十五邑紳尚書沙澄爲文以弔有清官可爲不可爲蒼天可問不可問之句覽者悲焉著有藝林彙考幾二百卷及歷代紀事考異樂府箋題等書其藝林彙考錢謙益爲之序嘗先刻三十八卷行世餘彙藏其家子永義字二聞永智字四明皆謹厚工詩爲舅氏顧有孝所稱孫始樹字景馮博學強識文辭高古秀水朱彝尊推重之以爲能世自南之業其爲人耿介絕俗亦有祖風

葉燮曰琬與自南兩世爲真廉吏自繼自微自炳自然自嗣自南兄弟六人皆以文學有盛名鄉黨以爲美談

計東字甫草茅塔人父名故名士東自幼好跳盪父友吳剛獨器之妻以女年

十五補諸生文譽日起遭亂家居取經史諸書盡讀之講求義理指歸治亂得失之要旁及權衡兵法陰陽占候之術嘗著籌南五論上閣部史可法可法奇之順治十四年中順天鄉試 御試第二名動長安三試禮部不第旋遭奏銷案被黜既不得志乃出游四方嘗自京師北走宣雲南歷洛漳邢魏東之濟兗所至結交賢士大夫詩文縱橫跌宕務極其才力而後已對客議論風發一坐盡傾時或憤激怒罵人皆以狂目之卒年五十二所著有改亭集 見新子準字府志 念祖三歲讀毛詩五歲就外傳知向學事親孝母弟不率教必長跪自責與人交冲和無崖岸嘗半日讀書半日靜坐年十四補諸生至十六而夭其父執父丹生私謚爲志學孺子 見詩粹 從孫朱培字傳一好學重交遊爲諸生有名年八十餘卒嘗做韓詩外傳體著尙書外傳若干卷積二十年三易稿而成臨歿猶沉吟訂正某卷某行呼其孫改訖而後瞑目

顧偉字英白同里人少嗜學乙酉後絕意進取盡發所藏古人書研辨討論自四

# 吳江縣志

## 卷三十一

文學

三十

子五經綱目諸史以至司天職方律曆算數經脉藥石卜筮占候之書莫不探其原委得其關鍵爛溪潘裡章聞其善曆學請推日至一握算而得因定交焉偉貌古朴言呐呐如不出口及質以經史疑義則響應不窮爲人外和內介非義不取雖飢寒不妄就人竟窮約以死偉所著名格軒遺書凡校注十五種選訂八種編輯二十二種吾邑著述家鮮有若偉之富者然偉未嘗表襮於人人亦罕知之歿後其藁始稍出裡章弟未自以續松陵獻集時述偉事未備乃序其書而盛稱之 本獻集續卷遂初堂集 時同里又有章夢易字兩生少工舉子業有盛名爲陳際泰艾南英輩所稱許中年棄去潛心經子晚更喜釋氏書爲人能忍飢不惑於財色樂救人危嘗脫人於死者三而不使其人知年八十餘卒著有周易筮毛詩雞跖集春秋左氏兵法楚辭改註詩源續同里先哲志等書 本獻集續卷續先哲志自序 任大任字鈞衡同里人邑諸生性好學務綜貫經史子集於詩與中庸所得尤邃家貧課徒事母不慕祿利與徐枋包捷輩相過從年踰八十思其親猶悲泣康熙

中卒所著有易學綱領詩經解中庸解等書

本沈德潛撰墓誌

葉燮字星期父紹袁見節義傳燮自幼能詩古文其詩務爲驚人語以杜韓蘇爲宗其古文宗大蘇任筆所之千言立就康熙九年以浙籍舉人成進士十四年選知揚州寶應縣時調兵討三藩驛站夫馬倍增而裁存銀不及需用之半運河隄爲黃淮溢決者至百六十里燮多方措辦軍需無缺河隄得完然性簡傲不能事上官上官惡之不二年被劾歸遂攜家入吳之橫山築小園顏曰獨立蒼茫處又顏其草堂曰二橐著述其中巡撫宋犖聞其名嘗減從往訪辭不見犖曰獨立蒼茫處容一立否延佇久之乃去燮亦不往報也燮嘗就知縣郭琇聘纂修邑志務簡嚴三月而就與所著已畦集並行於世先是屈運隆爲縣志有成橐識者頗嫌其蕪舛故琇屬燮重修之然運隆搜輯之勤亦不可沒云運隆字駿聲邑諸生以孝友稱於家燮從子舒崇舒穎舒崇字元禮幼有神童譽及長詩古文名振一時遊京師公卿稱美不置康熙十五年成進士授中書舍人

## 吳江縣志

### 卷三十二

文學

三十一

大學士立德霽溥薦博學宏詞科不及試卒於京邸年三十九所著宗山集謝齋詞行世舒穎字學山順治間中副榜工詩爲徐白顧有孝所稱許

潘耒字次耕曾祖志伊見名臣傳耒幼孤資稟穎異嘗閱曆日一過能背誦及長於羣經諸史九流之書無不讀詩賦古文辭無不能而性好山水遂往來燕趙與一時名人縱遊相討論題詠康熙十七年以博學鴻詞徵試除翰林院檢討纂修明史既受職謂明更三百年史事繁委宜博采而精於考證分任而一其義例秉筆嚴而論平歲月寬而快簡因作議以上總裁然之令撰食貨志兼訂紀傳自洪武以下五朝橐皆其所定

上平逆藩耒獻平蜀平滇兩賦

上稱賞公卿傳誦論者擬諸李白云進克日講官知

起居注兼纂修

世祖實錄

聖訓復爲會試同考官得士十二人皆天下選而名益起忌者亦益衆後竟以甄別議坐浮躁降調遂歸未初被徵以母老力辭不獲命乃行除官後又牒吏部以獨子終養請代題者三卒不得請乃受職遂迎母養之及去職母歿終三年未嘗見齒後乃復徧遊羅浮天台雁蕩武夷黃廬中岳諸名山盡窮其勝各爲詩若文記之四十二年未已家居

上南巡復未原官越三年

上又南巡陳廷敬扈 薦欲薦起未未固辭乃止未於聲韻反切有神悟隨所至審辨遂通其徵著類音八卷以爲舊字母三十六有複有漏今刪五增十九成五十母各具陰陽而列以喉舌腭齒唇之序舊四呼以音就字無定準今各母各韻並列四呼字缺而音悉全舊分類互有得失今統有字無字之音辨其全分平上去爲二十四類入爲十類卽少攝多正轉從轉旁轉別轉條理井然舊切同母同韻之字皆通用今同母之中必用同呼同轉同韻之中必用元音分陰陽蓋皆

## 吳江縣志

### 卷三十一

文學

三十一

得天然之音而無有譌闕論者謂於古今音學中實成一家言晚研究易象數多心得著論十三篇所爲文甚夥往往禪治體風教與鄉邑之利病蓋未嘗師事同郡顧炎武徐枋實稟承其教其史學則自少得諸兄檀章賦學則未所自得也未詩文共四十卷名遂初堂集自京師歸凡二十餘年年六十有三卒少子其燦字景瞻康熙末舉人年三十六卒好學工詩有詩集三卷

徐鉞字電發西濠港人父韞奇孝友仗義嘗破家脫從子於難爲諸生好古博學積書至數千卷明亡杜門著述以終鉞幼穎敏年十三吟詩有驚人句旣而工爲詞兼通古文及制舉業入慎交社聲譽日起嘗兩至京師公卿皆折節與交尤見知於大司農梁清標會闈博學鴻詞科清標薦之 召試授翰林院檢討纂脩明史逆藩旣平鉞作平蜀頌平滇雅以獻其後值翰林外轉鉞以忤權貴意亦在列湯文正斌力爲調護不能已有厚鉞者謂曰吾爲君行金非但免黜學使且可得也鉞日出處有定數安用此遂歸鉞好遠遊道浙過閩歷江右入兩粵往中州所

至名流勝侶皆喜從遊鈞所留題人珍傳焉

上南巡 賜御書 詔原官起用有司趣行鈞感壯歲外轉事竟不起於屋後圃中築小亭顏曰豐草興遠近耆宿日觴咏其間悠然忘老鈞少時所刻菊莊詞朝鮮貢使仇元吉見之以金餅購去留題曰中朝覓得菊莊詞讀罷烟霞照海湄北宋風流何處是一聲鐵笛起相思其爲遠人傾慕如此所著有詞苑叢談本事詩南州草堂集等書子養浩能讀父書尤精水利之學張清恪伯行撫吳時聘諸宿學修吳中水利書養浩與焉書未成彙藏於家

陳銳字穎長弟鏐字霜赤父紹文見隱逸傳銳鏐皆生有異質未弱冠相繼爲名諸生 國初制義承明季之習怪詭不經銳鏐力宗先正選刻程墨皆醇百篇風行海內文體由此稍變既久困場屋遂肆力於詩古文辭亦並有聲後銳成康熙二十七年進士鏐以歲貢入成均皆不及仕而卒兩人並克修內行不苟取予鏐之卒以母喪哀毀人尤重之鏐子沂震字起雷博學工詩有盛名由進士歷官禮

# 吳江縣志

## 卷三十一

文學

三十三

科給事中康熙中廷試稱 旨命督學山東遷刑科掌印給事中所著有狷亭集李寅字露楨歲貢生少穎悟博覽圖籍能詩古文旣而專事經學每讀一經必考核傳註箋疏而折衷於宋五子之書其持論以踐履爲實以體認天理爲本執親喪哀毀如禮祭必盡誠友愛伯兄常依依如童稚時撫其子同於己子持躬斬斷非義不履與人接和氣藹然年七十一卒生平著述甚多其學庸要旨儀封張伯

行稱之

本朱軾撰傳

周龍藻字漢荀曾祖宗建見名臣傳龍藻性穎異好書髫年患痘未脫痂已篝燈讀帷中比長習虞山堯峯之緒言中年讀顧亭林書豁然有省曰學之條貫當如是其於書無不覽而尤肆力於詩始出入香山眉山之間繼而原本風騷根柢韓杜凡學問思辨所得喜怒哀樂所發一寫於詩故格律愈嚴寄託愈遠家故東林後人習聞前朝故實後益蒐覽國史及紀載之書強識不忘竝能述其本末故史學爲時推重爲人識高氣英論人是非辨事黑白斷斷不稍假借自守甚嚴雖困

不事干謁嘗處嫌疑之地無纖芥私蓋於學實有得力焉龍藻爲諸生試輒首列後以年資克貢年六十五卒所著有恒齋詩集四十卷散體駢體文十卷

以上皆在分縣前者

周振業字右序龍藻從兄家貧力學於六行無不敦旣爲諸生從桐鄉朱彝游知近世王學之謬遂專事宋五子之說以治四書沈潛研極洞徹間與有就質者常百難而其答不窮然未嘗以講學爲名亦不著書惟舉場所作性理論今存九篇其中多微言大義皆發五子之蘊而能牖迪後人蓋我邑自元明以來之儒未有遠於性理如振業者其敦六行也由事親以及族姻朋友盡其分無不及焉於有難有侮有喪者恤之禦之經紀之雖歷寒暑風濤陷穽無或辭焉往郡城遇故人子於途見其寒解衣衣之忍凍而歸遂病卒時雍正九年年七十一振業少壯時文名甚盛至老乃以歲貢中副榜詩亦有名而不苟作文行世詩藏於家振業族兄之方字在卿業織緜以養親好誦書且織且誦久而思體之於身謹言信行自號

## 吳江縣志

### 卷三十一

文學

三十四

希礪子以見志多所著述振業序其集成盛稱之

周廷諤字美斯邑諸生七世祖大章見名臣傳廷諤少從長洲宋實穎遊實穎愛其才以外孫女妻之旣而學詩有警句爲前輩顧有孝稱賞廷諤益自奮肆力於唐宋諸大家老而彌篤嘗以邑人之詩自明迄今分見於詩乘詩略者不下數百家乃合選之復廣搜補闕仿列朝詩集例人爲小傳考其源流派別論斷有據美惡不相掩名曰吳江詩粹又續成兄嶽所輯吳江文粹凡四方與邑人所作詩歌序記碑銘傳贊書啓題跋之關吾邑典故者皆錄焉又自錄所爲詩文曰笠澤文鈔並藏於家嶽字瞻奇亦諸生好讀書著述甚富年止三十九周朱未字象益八世祖用見震澤志朱未幼孤外大父朱彝尊食而教之補秀水諸生後入都館大學士陳廷敬邸舍以能詩文工箋註知名康熙五十二年 詔九卿薦舉海內實學之士可備顧問者副都御史李鴻侍郎郝林合疏薦朱未未及用會翰林編修萬經督學貴州延往入幕時白潢爲經屬知府嘗乞經撰其母墓誌經轉屬朱未

漢得文大喜既而知出朱耒手甚重之及漢巡撫江西遂委以章奏文檄其修通志亦與焉雍正二年兩江總督查弼納薦朱耒品端才練時朱耒已援例授知州銜五年引見 命往雲南試用道遘疾歸卒年五十三朱耒敦厚有行誼外大父故貧歿後家益困朱耒歲具錢米直百餘金以為常其推恩族黨資給故交亦皆久而不倦所著有童初室詩文集

顧我錡字湘南同里人邑諸生博學強識為詩古文提筆疾書千言不竭給事陳沂震以詩名我錡從之游詩學日進及沂震督學山東我錡在其幕與嘉興高孝本同邑周龍藻及沂震相倡和為海岱聯吟集龍藻嘗謂日子年未三十而詩語老鍊如是不可及也大學士鄂爾泰官江蘇布政時得我錡詩文稱為南國才人冠雍正九年督撫聘諸名士修江南通志我錡分任藝文參及人物江防職官諸類同事者推服焉我錡性孝友居母喪哀毀踰禮又以修志積勞遂發疾卒年四十六所著有通鑑綱目志疑浣松軒集等書

# 吳江縣志

## 卷三十三

隱逸

三十五

### 卷之三十三

人物十

隱逸

朱象先

松江漁翁

孫銳

朱良寶

顧諒

富恕

張璫

蕭規

子潭湘

尹寬

史鑑

朱鷺

陳紹文

計大章

沈自晉

子永隆族子永馨

潘樸章

父凱

戴笠

沈自東

顧有孝

顧樵

葉繼武

吳珂

鄒潔

李培

宋

朱象先字景初隱居松陵善文工畫與蘇軾友善馳名紹聖元符間軾嘗謂象先